

So wirstu in dieser destillationen allwege eine Olitet mit herüber steigen
 de bekommen/ die separiret man stets ab/ vnd behalt sie wol verwahret in
 einem Glase/ wie dann dieser Olitet virtutes vnd gebrauch hernach an-
 gezeigt werden sollen/ aber gedachten herüber gestiegenen Spiritum, thue
 wiederumb in einen reinen glasinnen destillir Kolben/ solchen auch wol
 verlutire/ damit keine Spiritus verzauchen mögen/ vnd schütte diese Spe-
 cies, als Melissæ, Corticum citri mali, Cariophyllorum, Cinamomi,
 Cardamomi, Cubebæ, Zedoariæ, Masticis, Stiracis Calamitæ, Ben-
 zoi albi & rubei, Seminis peoniæ, Seminis ocymi, jeglichs eine vns/ des
 bestē Orientalischen Saffrans ein quintin/ gröblich gepuluerisiret drein/
 laß es in warmen Asche oder Balneo, lento igne zwene tage vnd nachte
 maceriren, hernach ihn wiederumb herüber gedestillire/ nun soltu noch
 in diese dritte destillation thun/ Magisterium perlarum, Corallorum,
 & Ossium de corde cerui, jeglichs ein drachma schwer/ vnd de liquo-
 re Auri & Argenti, jedes ein Scrupel, vnd Moschi fini etwann ein halb
 Scrupel schwer/ in einem seidenen Tüchlein verbunden hienein hangen/
 so ist diß aqua Magnanimitatis fertig/ das hebe wol verwahret auff ad
 vsum, vnd wann du es nun etwann zugebrauchen willens / so nimb davon
 ungefehr drey Eßlöffel voll eyn.

Nota :

Es were zwar die dritte destillation von den Speciebus nicht nö-
 tig/ sondern erachte besser zu seyn/ daß man den herüber gedestillirten Spi-
 ritum, wann er auff den Speciebus etliche tage zu maceriren in digestio-
 ne gestanden/ vnd sich gar wol hoch roht geferbet/ vnd also die Krafft oder
 Essentz auß den Speciebus in sich extrahiret hat / von den Speciebus
 abgiesse/ die Remanenz combustire vnd ihr Sal darauß præparire, vnd
 dasselbige Sal auch in diesen gecolorirten Spiritum thue/ so wol auch auß
 den Smeissen/ von welchen der Spiritus abgedestillir ist worden/ ihr Sal
 zurichte/ vnd auch diesen colorirten Spiritum adhibire, vnd wo ja et-
 wann der Spiritus wegen der Salia einen widerigen geschmack an sich
 nehme/ so kann er doch mit gutem weissen Candis Zucker/ oder sonsten ei-
 nem lieblichen Syrupo corrigiret werden/ also hette man nun/ den Spiri-
 tum, Essentz vnd Sal heysammen.

Man